



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 30.03.2020

Presidi: Peer-Puorger Victor
Participant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri
S-chüsà:
Protocol: Oswald Gian Claudio
Fabrica: Paulmichl-Rodigari Albin
Gias/s:

tractandas	tema	respunsabel
1	021 Administraziun cumünala Coronavirus Adattamaint dal möd da sezzüdas	vp/go
2	0120 Executiva Acconsentimaint protocol	tuots
3	0220 Uffizi da fabrica Dum. da fabrica no. 011/2020, sbodada e renatüralisaziun da l'implant electric (aia/diesel), Cumün da Valsot, parcella no. 4872, Fenga da Ramosch 250, 7556 Ramosch	vp/ap
4	0220 Uffizi da fabrica Dum. da fabrica no. 004/2020, ingrondimaint dal suost per veiculs, Luzzi-Barblan Georg e Luzzi-Barblan Reta, parcella no. 187, Cuaira 2A, 7556 Ramosch	vp/ap
5	0220 Uffizi da fabrica Dum. da fabrica no. 008/2020, batschigl d'aia persa e cella solara per la chamonna, Fischer Rolf, parcella no. 10495, Praschan 238, 7557 Vnà	vp/ap
6	0220 Uffizi da fabrica Dum. da fabrica no. 005/2020, chamonna da giallinas, Denoth-Giger Gian, parcella no. 6424, Giassa Sura 96, 7559 Tschlin	vp/ap

7	9630 Stabels da la facultà da finanzas Convegna cul departamaint da construcziun, trafic e silvicultura Schlargiamaint da la via chantunala a Martina	vp/ap
8	7301 Immundizchas Surpassamaints Surpassamaint 2020.01, immundizchas	vp/go
9	0120 Executiva Bieraria Tschlin Dumonda da sustegn	vp/fr
10	9630 Stabels da la facultà da finanzas Vendita da la chasa da scoula Tschlin	vp/fr
11	0120 Executiva Orientaziuns	tuots
12	0120 Executiva Varia (suprastanza cumünala)	tuots

021 Administraziun cumünala

29 Coronavirus

Adattamaint dal möd da sezzüdas

Il capo bivgnainta ils preschaints a la prüma sezzüda da suprastanza sün via electronica. Our da motivs dal coronavirus vaiva la direcziun decis d'introdüer ün sistem per manar tras las sezzüdas resguardond las directivas davart dal cussagl federal (quantità da persunas limitada e distanzas minimalas). In quist connex ingrazch'el a'l manader da l'administraziun pella lavur preparatorica per manar tras las sezzüdas sur il sistem «teams by Microsoft». El svesch ha fingià gnü diversas sezzüdas sün quista via id es persvas cha quai vegn a funcziunar.

0120 Executiva

30 Acconsentimaint protocol

Il protocol da la sezzüda dals 2 marz 2020 vegn approvà.

0220 Uffizi da fabrica

31 Dum. da fabrica no. 011/2020, sbodada e renatüralisaziun da l'implant electric (aua/diesel), Cumün da Valsot, parcella no. 4872, Fenga da Ramosch 250, 7556 Ramosch

Il manader tecnic spiega la situaziun in connex cul permiss da fabrica per la sanaziun energetica da la chamonna illa Val Fenga. Insembel cul permiss d'eira gnü decretà l'oblig cha'ls contuors da la chamonna hajan da gnir renatüralisats consequentamaing. Il provedimaint electrit insembel cun tuot las otras parts da quel ha da gnir allontanà tras il patrun da fabrica. Per pudair cuntinuar in chosa ha il cumün insembel cul uffizi per la natüra e l'ambiant incumbenzà a la ditta Arina envirnoment da metter insembel ün concept da renatüralisaziun. Ad üna sezzüda chi ha chattà lö ils 30 da schner a Valsot insembel cun Christian Fanzun (capo cumün da Scuol), duonna Simone Jakob (ANU), Walter Abderhalden e la direcziun dal cumün da Valsot es gnü discuss quist concept. Implü sun gnüts definats ils prossems pass. Sco proprietaria da la chamonna es la secziun da la Società Alpina Tudais-cha da Heidelberg (DAV) gnüd'orientada sur da la sezzüda e sur dal concept. Sco patrun da fabrica füss quella respunsabla cha las masüras da realisaziun gnissan effectuadas. In üna sezzüda cun nos capo, quel dal cumün da Scuol ed Armon Vital, il cussgliader giuridic dals cumüns, es gnü discuss il cuntgnü d'üna cunvegna chi regla la collavuraziun sco eir ils aspets finanzials tanter ils cumüns e la DAV. Previss es cha'l cumün da Valsot surpiglia la guida dal proget in nom da tuot ils partecipats. Armon Vital es implü gnü incumbenzà da contactar l'armada per sclerir l'otezza da lur contribuziun. In connex culs cuosts ha nos capo amo gnü contact cun duonna Simone Jakob. Sco manzunà a la sezzüda dals 30 da schner vezza quella la pussibilità cha'l Chantun e la Confederaziun contribuiscan ca. fr. 200'000.00. Uschè cha'l rest da fr. 100'000.00 stu vessan eventualmaing gnir spartits tanter DAV e l'armada svizra. Simone Jakob intenziunescha, in basa a pussibilitats novas prol Chantun, d'inoltrar la dumonda scha quels füssan pronts da surtour tuots ils cuosts dal proget. Culla DAV ha il capo contact, sar Karl Bellm s'annunzcha pro el per discusiunar la chosa. Uschè stu vess esser pussibel cha pels cumüns nu restessan ingüns cuosts, cun exepziun dals cuosts cha'l cussgliader giuridic causescha per sia lavur (Scuol/Valsot 50% / 50%). La suprastanza decida cha davart dal cumün da Valsot dess gnir invià il proceder da BAB apaina cha la suprastanza dal cumün da Scuol ha trattà ed approvà l'intent.

0220 Uffici da fabrica

- 32 **Dum. da fabrica no. 004/2020, ingrondimaint dal suost per veiculs, Luzzi-Barblan Georg e Luzzi-Barblan Reta, parcella no. 187, Cuoir 2A, 7556 Ramosch**

Il manader tecnic spiega l'intent dals petents. Quels prevezzan da schlargiar lur suost pels autos. Planisà es da realisar quellas lavurs in lain. L'intent correspuonda a la ledscha e las distanzas dal plan da quartier sco eir dal god sun tgnüdas aint.

La suprastanza va d'accord cul intent ed approvescha la dumonda.

0220 Uffici da fabrica

- 33 **Dum. da fabrica no. 008/2020, batschigl d'aua persa e cella solara per la chamonna, Fischer Rolf, parcella no. 10495, Praschan 238, 7557 Vnà**

Per la chamonna ha il petent inoltrà la dumonda da realisar ün batschigl d'aua persa e da montar üna cella solara sül tet. Il manader tecnic declera cha l'intent correspuonda a la ledscha.

La suprastanza va d'accord cul intent e decida d'inviar il proceder da BAB a Cuoir.

0220 Uffici da fabrica

- 34 **Dum. da fabrica no. 005/2020, chamonna da giallinas, Denoth-Giger Gian, parcella no. 6424, Giassa Sura 96, 7559 Tschlin**

Il petent ha inoltrà la dumonda per construir üna chamonna da giallinas sper sia chasa. Il manader tecnic spiega ils detagls da l'intent, quels as movan ils roms pussibels.

La suprastanza decida d'inviar il proceder da BAB a Cuoir.

9630 Stabels da la facultà da finanzas

- 35 **Convegna cul departamaint da construcziun, trafic e silvicultura**
Schlargiamaint da la via chantunala a Martina

Il manader tecnic spiega l'intent davart dal Chantun in connex cul schlargiamaint da la via tanter il dazzi e la sarinera a Martina. Davart dal Chantun sun entradas convegnoas pel terrain pertoc. Quai as tratta da parcellas cumünalas però eir da quellas in dret da fabrica. Las surfatschas vegnan dovradas per part be d'ürant il temp da fabrica o chi fuorman üna part da las surfatschas chi vegnan surfabrichadas. L'indemnisaziun pro m² as drizzan davo la zona e l'adöver chi vegn fat dal terrain. Terrain dadour la zona da fabrica vegn indemnisa cun fr. 8.00/m², terrain illa zona da mansteranza cun fr. 45.00/m² e l'adöver dal terrain a temp temporari cun fr. 0.76/m².

L'indemnisaziun vegn pajad'oura per 80% subit e 20% cur cha'l proget vegn conclüs. Il pajamaint per surfatschas va directamaing al proprietari, quella pella utilisaziun va a las dittas chi sun autorisadas tenor contrats da drets da fabrica. Pertoccas sun las parcellas 6019, 6048, 6050 e 6548 i'l posses dal cumün. Sül la parcella 6048 existan drets da fabrica a favur da las dittas Engiadinalaina SA ed ün a favur da la ditta Not Denoth Transporte GmbH. Il capo es da l'avis, cha'ls cuosts d'adattamaints dals contrats da dret da fabrica in connex cullas correcturas da las surfatschas han da gnir surtuts dal Chantun. Il manader tecnic manzuna ch'in quist connex sarà d'adattar la zona tenor ils cunfins novs. La suprastanza va d'accord cul intent e decida d'acconsentir las convegnoas.

Surpassamaints

Surpassamaint 2020.01, immundizchas

Il capo spiega la situaziun in connex cun ün surpassamaint d'immundizchas. A chaschun d'üna controlla es gnü chattà ün sach nair. Il sach es gnü drivi ed il cuntgnü es gnü guardà tras. A man da quel es stat pussibel da chattar oura chi chi ha allontanà quel sach. Al chaschunader es gnüda sporta la pussibilità da tour posiziun. In basa a l'artichel 13 dal reglamaint davart l'economisaziun da las immundizchas ed a man da las actas e la posiziun dal chaschunader ha la suprastanza decis d'ordinar ün chasti.

0120 Executiva

37 Bieraria Tschlin

Dumonda da sustegn

Il capo ed il suprastant Fadri Riatsch, chi appartegna al cussagl administrativ da la biereria Tschlin, infuormeschan sur da la situaziun actuala in connex culla crisa da corona. Fadri Riatsch orientescha sur da las masüras cha'l cussagl administrativ ed il manaschi da la biereria ha fingià decis in quist connex. La dumonda concreta invers il cumün es, scha davart dal cumün exista la pussibilità da desister per ün temp sül fit. In quist connex vegn fatta la proposta da sistir il fit e da na desister sün quel. Apaina cha la situaziun as reffà vegn la chosa valütada ed i po gnir decis co inavant cul import sisti.

La suprastanza decida da sistir il fit fin ils 31 da december 2020.

9630 Stabels da la facultà da finanzas

38 Vendita da la chasa da scoula Tschlin

Fadri Riatsch ed Armon Kirchen, rapreschantants da la suprastanza illa cumischiun, preschaintan ils resultats da las lavurs e la proposta a man da la suprastanza. In basa a las spiegaziuns ed aman da las actas maina il gremi üna discussiun. La lezcha surdatta a la cumischiun nun es gnüda fatta. Els vaivan da tscherchar soluziuns in connex culla vendita da la chasa da scoula. Independentamaing dad ün eventual cumprader d'eiran d'evaluar che pussibilitats chi stan avantman e chenüna chi füss our da che motivs pustüt da preferir. Invezza da quai s'han ils commembers da la cumischiun fatschendats culla fittadina actuala, la ditta Baineser SA. La suprastanza nu va d'accord culla proposta cha la cumischiun ha fat e tilla refüsescha. Implü vegn la cumischiun incumbenzada cun ulteriuras lavurs. La tractanda vegn spostada fin cha quels resultats sun avantmans.

0120 Executiva

39 Orientaziuns

Archiv Cultural Engiadina Bassa

Il capo manzuna cha l'ACEB haja tschüff ün import da fr. 30'000.00 davart dals cumüns concessiunaris. Cul ACEB es d'arrandschar ün termin per suottascriver il contrat da cumprita cha la radunanza ha fat bun. In ün prüm pass as pudess s'abinar cha l'ACEB pajess quels fr. 30'000.00 ed il rest gnis pajà plü tard.

Reglamaint agüts da chatscha

Per elavurar il sböz dal reglamaint d'eira gnü fondada üna grupp da lavur cul cumün da Scuol, l'uffizi da god e privels da la natüra (AWN) e l'uffizi da chatscha e pes-cha (AJF). Pel cumün da Valsot fan part a quella Armon Mayer ed Adrian Schorta, pel cumün da Scuol Fadri Blanke ed Antonin Hugentobler, pel AJF Curdin Florinet e pel AWN Gian Cla Feuerstein. Principi marz ha chattà lö ün'occurenza d'infuormaziun pels presidents da las societats da chatscha davart dal AJF. A chaschun da quella han Armon Mayer e Fadri Blanke preschantà il sböz dal reglamaint e dat giò quel a las societats per stübgjar e tour posiziun. Quellas han peida da tour posiziun infin ils 7 da mai.

Via da Vadrain

Armon Mayer spiega ch'els hajan fat ulteriurs sclerimaints in connex cullas lavurs vi da la via i'l territori da Vadrain. Actualmaing vegn examinada l'opziun da laschar il material chi vess da gnir allontanà a'l lö. Quist'idea es part d'ün proget chi's occupa culla tematica. Sco prüm pass es previs da cumanzar culla prüma etappa da la via chi ha da gnir refatta cun asfalt.

0120 Executiva

40 Varia (suprastanza cumünala)

Da la tractanda nu vegn fat adöver.

7556 Ramosch, 08.04.2020



Il capo:

Il manader administraziun: